

摘藻堂四庫全書薈要

子部

欽定四庫全書薈要

子部

欽定授時通考卷六十

五十六



詳校官主事_臣陳本

欽定四庫全書薈要卷一萬七百二十八子部

欽定授時通考卷六十五

農餘

果三

荔枝 錦荔枝

龍眼 山龍眼 龍荔

橘

柑 佛手柑

橙

香櫟

金橘

金豆

柚

枳

枸

橘

橄欖

木威

餘甘子

椰子

無花果


文官果

欽定四庫全書



欽
定
授
時
通
考

荔枝



荔支

荔支一名丹荔一名離支樹高數丈自徑尺至於合抱
形團圞如帷蓋葉如冬青綠色蓬蓬四時常茂花青白
開於二三月狀如橘又若冠之蕤綫五六月結實喜雙
狀如初生松毬核如熟蓮子殼有皺紋如羅生青熟紅
肉淡白如肪玉味甘多汁夏至將中翕然俱赤大樹每
下子百斛五六月盛熟時彼地皆燕會其下雖多食亦
不傷人覺熱以蜜漿解之或以殼浸水飲亦佳初出嶺

南及巴中今閩之泉福漳興蜀之嘉蜀渝涪及二廣州

郡皆有之以閩中為第一蜀次之嶺南為下其類有陳

紫

出著作郎陳琦家品為第一譜云其樹晚熟其實廣上而圓下大可徑寸有五分香氣清遠色澤鮮紫殼

薄而平瓢厚而瑩膜如桃花紅核如丁香母剝之凝如水精食之消如絳雪其味之至不可得而名狀也荔枝

以甘為味雖百千樹莫有同者過甘與淡失味之中惟陳紫之於色味香自拔其類此所以為天下第一凡荔枝皮膜形色一有類陳紫則已為中品若夫皮厚尖刺肌理黃色附核而赤食之有查食已而澀雖無酢味自

亦下等矣

大紫

種似陳紫實大過之

小陳紫

實比陳紫差小又時有熟核者因而得名

方紅

徑可二寸色味俱美歲生一二百顆而已出興化屯田即中方臻家

宋公荔支

實如陳紫而小甘美

亦如
周家紅
初為第一及陳紫方紅出而此為次
龍牙
長可三四寸彎曲如爪芽無核然不

常有
游家紫
種出陳紫實大過之
水荔支
漿多而淡以上俱出興化軍
藍家紅
泉州

第一出都官
法石白
出法石院色白其大次於藍紅
江綠
類陳紫差大獨香薄而味

少酸以上
一品紅
生於荔支為極品在福州堂前
大丁香
殼厚色紫味微澀出天慶

觀
綠核
類江綠色丹而小荔支核紫而此核獨綠
將軍荔支
五代時有此官種之因以

得
朱柿
色朱如柿而大
虎皮
色紅絕大饒腹有青紋類虎皮
牛心
以狀名之長二寸餘皮厚

肉
玳瑁紅
色紅有黑點類玳瑁出城東
硫黃
以色類硫黃故名以上出福州
何家紅

出漳州
圓丁香
丁香荔支皆旁蒂大而尖脫此獨圓而香味尤勝
十八娘
色深紅而

細長閨王有女行十八好食此因得名或云物之美少者為十八娘

蕙團

每朵數十並蒂雙垂

釵頭

顆

顆紅而小可施頭髻

珍珠荔支

團白如珠無核荔支之最

粉紅荔支

荔支深紅

此以色

丁香荔支

核小如丁香亦謂之煎核

蜜荔支

以甘為名然過於甘

火山

淺為異

荔支

本出南越四月熟味甘酸肉薄閩中近年僅有

秋元紅

實時最晚因以得名

蚶殼

殼為

深栗如瓦屋焉以狀得名

蒲桃荔支

一穗至二三百顆以上見蔡襄荔支譜

又有綠色

蠟色昏品之奇者自蔡襄以後鄭熊徐煥鄧慶家諸人

各為之譜競立新名標奇炫異或言姓氏或言州郡皆

識其所出王敬美曰荔支以狀元香為最然不如長樂

勝畫肉厚而味甘當為種中第一第乾之不能如狀元
香風味楓亭驛荔支甲天下亡論丹實累累而樹亦婆
娑可愛在漳泉者四五月熟然肉薄味酸能損齒又云
荔支以興化之楓亭驛為最長樂次之性甘微熱止渴
益智健氣病齒及火病人最忌

夢溪筆談閩中荔支核有小如丁香者多肉而甘土人
亦能為之取荔支木去其宗根仍火燔令焦復種之以
大石抵其根但令旁根得生其核乃小種之不復芽

徐勣荔枝譜荔枝核入土種者氣薄不蕃雖蕃不結子間
有成樹者經十餘歲稍稍結顆肉酸澀無味鄉人於清
明前後十日內將枝梢刮去外皮一節上加膩土用棕
裹之至秋露枝上生根以細齒鋸從根處截下植之他
所勿令動搖三歲結子纍然矣 接枝之法取種不佳
者截去元樹枝莖以利刃微啟小隙將別枝削鍼插固
隙中皮肉相向用樹皮封繫寬緊得所斟酌裹之凡接
枝必待時暄蓋欲藉陽和之氣一經接搏二氣交通則

轉惡為美矣若近海魚鹽之處斥鹵土醎其味微酸不佳縱奪接之終不能以彼易此也

又荔性宜熱最畏高寒古樹歷數百年者枝柯詰屈根幹盤旋其陰可蔽數畝歲久根深縱霜霰侵壓不過葉悴可無損於樹當春仍發新葉開花結實至於新種不歷十數年者樹穉根淺一遇霜霰隨即枯萎明年不復花實鄉人有愛其樹者當極寒時樹下以稻草煨火溫之寒氣不侵葉無凋損秋冬之際壅壓其根仍伐去枯

根不令礙樹逢春尤易發生

鄧慶宗荔支譜荔子原無用核種者皆用好枝刮去外皮以土包裹待生白根如毛再用土覆一過以臘月鋸下至春隨生新葉他木栽時皆去枝葉獨荔樹要留宿葉承露若葉去露槁則無生機余嘗六七月鋸荔支蘆新根方生無不存活最怕日曬必求稍陰涼處時時灌水方易生葉

羣芳譜荔支有間歲生者謂之歇枝有仍歲生者半生

半歇也春花之際傍生新葉其色紅白六七月時色已
變綠此明年開花者也今年實者明年歇枝也最忌麝
香或遇之花實盡落其熟未更採摘蟲鳥皆不敢近或
已取之蝙蝠蜂蟻爭來蠹食園家破竹五七尺搖之荅
荅然以逐蝙蝠之屬

錦荔支

附

錦荔支一名癩葡萄元時名紅姑娘即詩所云苦瓜也
出南蕃今閩廣江南皆有之蔓生葉如葡萄有微刺蔓

上有鬚莖葉皆柔七八月開小黃花五瓣如碗形結瓜
有長短二種色青綠熟則黃紅皮上礫砢架作屏斑斑
如錦紅綠陸離最為可玩瓜味微苦小熟之調以薑醋
可為蔬清痰火和肉煮食亦佳其中肉赤如血味甘美
春時種秋結實其子形扁如瓜子亦有痲癩可入藥

龍眼

卷六十五



龍眼

龍眼一名益智

廣雅云益智龍眼也

一名比目一名圓眼一名蜜

脾一名燕卵一名繡水園一名海珠叢一名川彈子一

名亞荔支一名荔支奴閩廣蜀道出荔支處皆有之樹

似荔支高一二丈枝葉微小葉似林檎凌冬不凋春末

夏初開細白花七月實熟大如彈丸肉薄於荔支白而

有漿甘如蜜質味殊絕純甜無酸實極繁作穗如葡萄

每穗五六十顆殼青黃色性畏寒白露後方可採摘性

甘平無毒安志健脾補虛開胃除蠱毒去三蟲久服輕身不老裨益聰明故又名益智非今醫家所用之益智子食品以荔枝為貴而資益則龍眼為良蓋荔枝性熱而龍眼平和也

農政全書白露後採用海滴浸一宿取出曬乾用火焙之以核乾硬為度如荔枝法收藏之成朶乾者名龍眼錦

山龍眼

附


山龍眼出廣中夏月熟色青肉如龍眼亦龍眼之野生者也

龍荔

附

龍荔狀如小荔支而肉味似龍眼木之身葉亦似二果故名三月開小白花與荔支同熟但可蒸食不可生啖令人發癩見鬼物出嶺南

橘



橘

橘一名木奴樹高丈許枝多刺生莖間葉兩頭尖綠色

光面潤寸餘長二寸許四月生小白花清香可人結實

如柚而小至冬黃熟大者如杯包中有瓣瓣中有核實

小於柑味甘微酸種類不一有蜜橘其味最甘黃橘扁小多香露橘

之上綠橘紺碧可愛不待霜後色味已佳隆冬采之生適如新朱橘實小色赤如火塌橘

狀大而扁外綠心紅巨包橘外薄內盈其脈綽綽可數綿橘微小極軟

美可愛而沙橘細小凍橘八月開花早黃橘秋半穿心

橘實大皮光
心虛可穿

荔枝橘

膚理較密似如荔枝文出街場

乳橘

狀似乳柑皮堅瓢多味絕

酸油橘

皮似油飾中堅外黑橘之下品

自然橘

此橘與柑必以枝接之惟此則以橘子下種故

名自然
味甚美

出蘇州台州西出荊州南出閩廣撫州皆不如

溫州者為上也王敬美曰閩中柑橘以漳州為最福州次之樹多接成惟種成者氣味尤勝橘肉生痰聚飲不益人若煎以蜜充果食甚佳或蜜或薰作餅尤妙亦可醬淹作菹花以之蒸茶向為龍虎山進御絕品園中宜多種多收核葉皆苦平無毒可入藥

書禹貢厥包橘柚錫貢

傳小曰橘大曰柚疏橘柚二果其種本別以實相比則柚大橘小

文昌雜錄南方柑橘雖多然亦畏霜每霜時亦不甚收惟洞庭霜雖多仍無所損詢彼人云洞庭四面皆水也水氣上騰尤能辟霜所以洞庭柑橘最佳歲收不耗正為此爾

羣芳譜種植種子及栽皆可以枳樹截接或貼接尤易

成宜肥地至冬須以大糞壅培則來年花實俱茂遇旱以米泔灌溉則實不損落根下埋死鼠則結實加倍物類相感志云橘見尸而實繁湮槃經云如橘見鼠其果實多

避暑錄話凡橘一畝比田一畝利數倍而培治之功亦數倍於田橘下之土幾於用篩未嘗少以瓦甃雜之田自種至刈不過一二耘而橘終歲耘無時不使見纖草地必面南為屬級次第使受日每歲大寒則於上風焚

糞壤以溫之

多能鄙事茅灰及羊矢壅之多生實十一月內將橘樹根寬作盤澆大糞三次至春用水澆一次花實必茂

便民圖纂十月後將金橘安錫器內或芝蔴雜之經久
不壞若橙橘之類藏菜豆中極妙弗近米邊見米即爛

柑



柑

柑 古作甘 開寶本草云柑未經霜時猶酸霜後甚甜故
名柑子梅溪詩注云他果非無甘者惟柑從甘言最

也 甘 生江南及嶺南閩廣溫台蘇撫荆為盛川蜀次之樹

似橘少刺實亦似橘而圓大霜後始熟味甘甜皮色生

青熟黃比橘差厚理稍粗而味不苦惟乳柑山柑皮可

入藥橘實可以久留柑實易腐敗柑樹畏冰雪橘樹畧

可耐此柑橘之異也乳柑

出溫州泥山為最其味似乳酪故名其木婆婆其葉纖長

其花香韻其實圓正其膚理如澤蠟其大六七寸其皮薄而味珍脉不黏瓣食不留滓一顆僅一二核亦有全

無者擘之香露喫
人為柑中絕品

海紅柑

樹小而實極大有園及尺者
皮厚色紅可久藏今獅頭柑

亦其類

洞庭柑

出洞庭山皮細味美
其色如丹其熟最蚤

甜柑

類洞庭而大每
顆八瓣未霜先

黃比他柑加甜

饅頭柑

近舊如饅頭
尖味香美

生枝柑

色青膚麤味似石
榴微酸可耐久霜

時留之枝間俟味變甘
帶葉而折新美可愛

平蒂柑

出成都大如
升色蒼黃

朱柑

類洞
庭而

大色嫣紅味多酸以刀
破之漬以鹽始可食

木柑

膚理堅頑瓣大而乏膏
外強中乾故名以木

又

有白柑沙柑之類性大寒治腸胃熱毒解丹石止異渴

多食令人脾冷生痰發痼癖皮調中下氣

廣羣芳譜橘錄歲當重陽色未黃採之名曰摘青及經

霜之二三夕遇天氣晴霽羣以小翦就枝間平蒂斷之
輕置筐筥護之必謹懼其香霧之裂則易壞尤不便酒
香凡採者竟日不敢飲柑橘宜斥鹵之地種時高者畦
壟溝以泄水每株相去七八尺歲四鋤冬月以泥壅根
夏時以糞溉之

物類相感志藏柑子以盆盛用乾潮沙蓋之

佛手柑

附

佛手柑木似朱欒而葉尖長枝間有刺植之近水乃生

其實狀如人手有指有尺餘者皮如橙柚而厚皺而光
澤其色如瓜生綠熟黃其核細味不甚佳而清香襲人
置衣笥中雖形乾而香不歇

本草南人雕鏤花鳥作蜜煎食

欽定四庫全書

欽定投時通考

十六

橙



橙

橙樹似橘有刺實似柚而香晚熟耐久大者如盃經霜始熟葉大有兩刻缺如兩段皮厚蹙衄如沸香氣馥郁可薰衣可茗鮮可和菹醢可為醬齏可蜜煎可糖製為橙丁可蜜製為橙膏可和湯待賓客可解宿酒速醒唐鄧間皆有江南尤多栽植與橘同多食傷肝氣發虛熱同獮肉食發頭旋惡心洗去瓢中酸汁和鹽蜜煎成貯食止惡心能去胃中浮氣惡氣皮消食下氣去胃中浮

氣和鹽貯食止惡心

香櫞



香櫟

香櫟一名枸櫟柑橘之屬嶺南閩廣江西皆有之實大如小瓜皮若橙而光澤可愛肉甚厚白如蘿蔔而鬆虛雖味短而香芬大勝置衣笥中經旬猶香古作五和糝用之

金橘



金橘

金橘一名金柑

橘錄云金柑在他柑特小大者如錢小者如龍目色似金

一名盧橘

本草云此橘生時青虛色黃熟則如

一名夏橘

本草云此橘冬

金故有金橘盧橘之名盧黑色也

夏相繼廣州一名山橘

嶺表錄云山橘子大如土瓜次如彈丸金色薄皮而味酸

一

名給客橙

本草云香芬如橙可供給客也魏王花木志云蜀有給客橙似橘而非若柚而香亦名盧

橘

一名小木奴

見元稹詩

生吳越江浙川廣間出營道者為

冠江浙者皮甘肉酸次之樹似橘不甚高大五月開白花結實秋冬黃熟大者徑寸小者如指頭形長而皮堅

肌理細潤生則深綠熟乃黃如金味酸甘而芳香可愛
糖造蜜煎皆佳廣人連枝藏之入醴醋尤香美

便民纂要金橘將枳棘接之八月移栽肥地灌以糞水

金豆

附

金豆一名山金柑一名山金橘橘錄云生山徑間比金
柑更小形色頗類結實繁多肉瓣不可分止一核

羣芳譜木高尺許實如櫻桃生青熟黃形圓而光溜皮
甜可食味清而香美可蜜漬

欽定四庫全書




欽

定四庫全書

欽定四庫全書

柚



柚

柚

與櫟同古作櫟博雅又謂之棒七侯反

一名條

爾雅云條柚注云似橙實酢

一名壺

甘

本草云狀如白故名壺象形也古今注云甘實形如石榴者謂之壺甘

一名臭橙

桂海虞衡

志又謂之臭柑

爾雅謂之檳又曰檄

爾雅云檄檄注云柚屬也大如盂

廣雅謂

之鐺柚

本草云鐺亦壺也廣州記云鐺柚實大如斗

柚實大而粗三月開花

奇大香甚馥郁實亦如橘有甘有酸皮厚而臭樹葉皆

類橙實有大小二種小者如柑如橙俗呼為蜜甯大者

如升如瓜俗呼為朱欒有圍及尺餘者俗呼為香欒閩

中嶺外江南皆有之南人種其核云長成以接柑橘甚良又有名文蛋名仁患者亦柚類也

橘錄朱欒作花比柑橘絕大而香就樹採之用箋香細作片以錫為甌入花一重則實香一重使花多於香仍竅甌旁以溜汗液用器盛之炊畢去花以液浸香再蒸凡三換花始暴乾入甕器密盛之他時焚之如在柑林中凡柑橘並金柑皆可切瓣壓去核漬之以蜜金柑著蜜尤勝他品取朱欒核洗淨下土中一年而長名曰柑

明年移而疏之又一年木大如小兒拳遇春月乃接取
諸柑之佳與橘之美者經年向陽之枝以為貼去地尺
餘細鋸截之剔其皮兩枝對接掬土實其中以防水蕩
護其外麻束之過時而不接則花實復為朱欒矣

枳附

枳木如橘而小高五七尺葉如橙多刺春生白花至秋
成實七八月採為實九月十月採者為殼今醫家以皮
厚而小者為枳實完大者為枳殼

周禮考工記橘踰淮而北為枳

枸橘

附


枸橘處處有之樹葉並與橘同但幹多刺三月開白花青藥不香結實大如彈丸形如枳實而殼薄不香

欽定四庫全書

欽定四庫全書
欽定四庫全書
欽定四庫全書

橄欖

卷之十



橄欖

橄欖一名青果一名諫果一名忠果

宋王禹偁橄欖詩我今何所喻喻彼

忠臣辭齊東野語黃浩翁云餘甘橄欖二物可名之為諫果也

南人謂之格覽

見元郝經陵川

詩注生嶺南閩廣諸郡及沿海浦嶼間皆有之樹似木櫨

而高大數圍端直可愛枝皆高聳葉似檉柳二月開花

八月結子狀如長棗色青兩頭皆尖先生者居下後生

者漸高深秋方熟核亦兩頭尖而有稜核內有三竅竅

內中有仁可食其類有綠欖

色青綠核內無仁有亦乾小

烏欖

色青黑肉

爛而甘取肉搥碎乾自有霜如白鹽謂之梳醬仁最肥大有紋層疊如海螺蛸色白外有黑皮最甘嫩

又

有一種波斯橄欖

出邕州色類相似但核作兩瓣

一種方欖

出廣西兩江峒中似

橄欖而有三角或曰角即波斯橄欖之類也

野生者樹峻而子繁蜜漬鹽醃

皆可藏久用之致遠作佳果生嚼味苦澀微酸良久乃

甘美生食煮汁飲並生津止渴開胃下氣治喉痛消酒

毒住泄瀉解一切魚鱉毒及骨鯁閩中尤重其味云咀

之口香勝雞舌香

嶺表錄異橄欖樹有野生者樹峻不可梯緣但刻其根

下方寸許內鹽於其中一夕子皆自落

種樹書橄欖將熟以竹釘釘之其實盡落

鄒幾雜志橄欖木并花如樗將採其實剝其皮以薑汁塗之則盡落

木威

附

本草拾遺木威生嶺南山谷樹高丈餘葉似楝子如橄欖而堅亦似棗削去皮可為糝食

餘甘子

附

餘甘子兩廣諸郡閩之泉州及西川戎瀘蠻界山谷皆有之

南方草木狀花黃實似李青黃色核圓作六七稜食之先苦後甘

異物志其樹葉如槐葉其枝如柘其子圓大如彈丸有文理如定陶瓜

本草木高一二丈枝條甚軟葉青細密朝開暮歛如夜合而微小春生冬彫三月有花著條而生如粟粒隨即

結實作莢每條三兩子至冬而熟連核作五六瓣乾即
並核皆裂俗作果子噉之泉州山中亦有狀如川棟子
形圓味類橄欖亦可蜜漬鹽藏其木可製器物

椰子

卷六十五



椰子

椰子一名胥餘嶺南州郡皆有之樹葉如栟櫚高六七丈無枝條其實大如寒瓜外有粗皮皮次有殼圓而且堅剖之有白膚厚半寸味似胡桃而極肥美有漿飲之得醉

寰宇記椰子樹似檳榔而高大葉長一尺無陰結實一房生三十餘子如瓜其殼中有白如熊白內有漿一升清如水甜如蜜飲之愈渴疾殼堪為酒壺皮堪縛船土

人多種之

冠宗奭曰椰子開之有汁白色如乳如酒極香別是一種氣味強名為酒中有白瓠形圓如括樓上起細壘亦白色而微虛其紋若婦人裙褶味亦如汁與著殼一重白肉皆可糖煎為果其殼可為酒器如酒中有毒則酒沸起或裂破今人漆其裏即失用椰子意

農政全書椰子用甚多南中人樹之者資生之類大率在焉

海槎餘錄椰子樹初栽時用鹽一二斗先置根下則易發

無花果



無花果


無花果一名映日果一名優曇鉢一名阿𩚑一名蜜果
最易生插條即活在處有之三月發葉樹如胡桃葉如
楮子生葉間五月內不花而實狀如木饅生青熟紫味
如柿而無核人家宅園隨地種數百本收實可備荒其
利有七實甘可食多食不傷人且有益尤宜老人小兒
一也乾之與乾柿無異可供饔餼二也六月盡取次成
熟至霜降有三月常供佳實不比他果一時採擷都盡

三也種樹十年取效桑桃最速亦四五年此果截取大枝扦插本年結實次年成樹四也葉為醫痔勝藥五也霜降後未成熟者採之可作糖蜜煎果六也得土即活隨地可種廣植之或鮮或乾皆可濟饑以備歉歲七也倦游錄木饅頭京師亦有之謂之無花果狀類小梨中空既熟色微紅味頗甘酸嶺南尤多

羣芳譜扦插春分前取條長二三尺者插土中上下相半常用糞水澆葉生後純用水忌糞恐枝葉大盛易摧

折結實後不宜缺水當置瓶其側出以細雷日夜不絕
果大如甌

文官果



文官果

文官果樹高丈餘皮粗多礪砢木理甚細堪作器物葉似榆而尖長周圍鉅齒紋深春開小白花成穗花五瓣每瓣當中微凹有紅筋貫之蒂下有小青托花落結實大者如拳一實中數隔間以白膜仁如馬櫛榔無二裹以白軟皮大如指頂去白皮食其仁甚美多雨及勤澆則實成者多若遇旱則實牯小而不成其果一包中多藏子子多白色紋旋轉如卷蕉味甘香如嫩蓮蓇

欽定授時通考卷六十五

欽定四庫全書薈要卷一萬七百二十九

子部

欽定授時通考卷六十六

農餘

果四

甜瓜

西瓜

北瓜

蓮子

蓮藕

甘蔗

菱

芡

勃薺

慈姑

百合

甜瓜



甜瓜

甜瓜一名甘瓜一名果瓜北土中州種蒔甚多二三月
下種蔓生葉大數寸五六月花開黃色六七月熟其類
甚繁有團者長者尖者扁者大而徑尺者小而一捻者
稜之或有或無色之或青或綠或黃斑糝斑白路黃路
種種不同甘肅甜瓜大如枕皮瓢皆甘勝於蜜以皮曝
乾柔韌甘美而有味浙中一種陰瓜種宜陰處秋熟色
黃如金皮膚稍厚藏至春食之如新 凡瓜大曰瓜小

曰瓠子曰瓢肉曰瓢跗曰環蒂曰壺其畏麪諸瓜皆同
凡食瓜過多但飲酒或水服麪或食鹽花即消化性寒
滑無毒少食止渴除煩熱利小便通三焦壅塞夏月不
中暑多食動宿冷病破腹手足無力

詩豳風七月食瓜

爾雅瓠其紹瓠

注俗呼瓠瓜為瓠紹者瓜蔓緒亦著子但小如瓠

禮記曲禮為天子削瓜者副之以絺為國君者華之

中以綌為大夫者累之士羹之庶人齧之

注副析也既削又四析之乃橫斷之而中覆焉華中裂之不四析也累俶也謂不中覆也羹之不中裂橫斷去羹而已齧之不橫斷

玉藻瓜祭上環

注上環橫切之圓如環也

龍魚河圖瓜有兩蒂兩鼻者殺人

羣芳譜種植二月上旬為上時三月上旬為中時四月

上旬為下時五六月止可種藏瓜耳預將生數葉便結
瓜者為本母子候熟蒂自落取來截去兩頭其中段子
淘淨曝乾收作種臨種時用鹽水洗之取熟糞土種之
仍將洗子鹽水澆之得鹽氣則不籠死坑深五尺大如
斗納瓜子大豆各四粒瓜生數葉將豆掐去瓜生至初
花鋤三四次勿令生草但鋤不可傷根傷根則瓜苦候
秧拖時掐去蔓心再用熟糞培根下勤澆灌摘瓜勿令
踏蔓及翻覆之踏則瓜爛翻則瓜死若生蟻置骨其傍

引而棄之



西瓜



西瓜

西瓜一名寒瓜蔓生花如甜瓜葉大多極缺面深青背微白葉與莖皆有毛如刺微細而硬其稜或有或無其色或青或綠或白其形或長或圓或大或小其瓢或白或黃或紅紅者味尤勝其子或黃或紅或黑或白白者味更劣其味或甘或淡或酸酸者為下 本草綱目云味甘淡寒無毒除煩止渴消暑熱療喉痺口瘡解酒毒子取仁可薦茶皮可蜜煎糖煎醬醃食瓜後食其子即

不噫瓜氣以瓜劃破曝日中少頃食之頗涼收藏得法可至來年春夏近糯米及酒氣則易爛

羣芳譜種植秋月擇其瓜之嘉者留子曬乾收作種欲種瓜地耕熟加牛糞至清明時先以燒酒浸瓜子少時取去漉淨拌灰一宿相離六尺起一淺坑用糞和土瘞之於四周中留鬆土種子其中不得復移瓜易活而甘美栽宜稀澆宜頻糞宜多蔓短時作綿兜每朝取蟲恐食蔓長則已頂蔓長至六七尺則掐其頂心令四旁生

蔓欲瓜大者每科揀其端正旺相者止留一瓜餘蔓花
皆掐去則實大而味美性畏香尤忌麝麝觸之乃至一
顆不收

北瓜 附

形如西瓜而小皮色白甚薄瓢甚紅子亦如西瓜而微
小狹長味甚甘美與西瓜同時想亦西瓜別種也

蓮子



蓮子

蓮子一名藕實一名澤芝蓮房成韻韻在房如蜂子在窠六七月采嫩者生食脆美至秋房枯收之去黑殼謂之蓮肉黑而沉水者其堅如石謂之石蓮子其房大者謂之百子蓮味甘平瀉無毒交心腎厚腸胃固筋骨強精神補虛損利耳目除寒熱治諸血病熟食良切碎可作粥飯生動氣易脹宜去心

爾雅荷芙蕖其實蓮其中的的中薏

疏李巡曰芙蕖其總名也的蓮實也薏中心也陸璣
疏云蓮青皮裏白子為的的中有青為薏

又的藪

註即蓮實

埤雅花時即有實始而黃黃而青青而綠綠而黑中肉
白內青心二三分為苦薏

齊民要術八月取堅黑蓮子瓦上磨尖頭令皮薄取
堦土作熟泥封三指長令蒂頭泥多而重磨頭泥少而

尖種時擲至池中重頭向下自能周正薄皮在上易生
數日即出不磨者卒不可生

食療本草服食不飢石蓮肉蒸熟去心為末煉蜜丸桐
子大日服三十丸此仙家方也

陸璣詩疏蓮葍可磨以為飯如粟也輕身益氣令人強
健又可為糜幽州揚豫取備饑年

蓮藕



蓮藕

蓮藕湖澤陂池皆有之以蓮子種者生遲以藕芽種者最易發其芽穿泥成白藕即莖也長者至丈餘五六月嫩汲水取之可作蔬茹俗呼藕絲菜節生二莖一為藕荷其葉貼水其下旁行生藕一為芰荷其葉出水其旁莖生花冬月至春掘藕食之藕白有孔有絲大者如肱臂長六七尺凡五六節大抵野生及紅花者蓮多藕劣種植及白花者蓮少藕佳白花藕大而孔扁生食味甘

煮則不美紅花及野藕生食味澀蒸煮則佳氣味甘平
無毒消食解渴散血生肌蒸食開胃補五臟實下焦擣
浸澄粉服食輕身益年與蜜同食令人腹臟肥不生蟲
亦可休糧


爾雅藕荷芙蕖其本莖其根藕
注莖乃莖下白藕在泥中者

埤雅藕其生應月月生一節遇閏輒益一節收藏好肥
白嫩藕埋陰濕地可經久如新欲致遠以泥裹之則不

壞



甘蔗



甘蔗

甘蔗叢生莖似竹內實直理有節無枝長者六七尺短者三四尺根下節密以漸而疎葉如蘆而大聚頂上扶疎四垂八九月收莖可留至來年春夏王灼糖霜譜云有數種曰杜蔗即竹蔗綠嫩薄皮味極醇厚專用作霜曰白蔗一名荻蔗一名芳蔗一名蠟蔗可作糖曰西蔗作霜色淺曰紅蔗亦名紫蔗即崑崙蔗也止可生啖不堪作糖江東為勝今江浙閩廣蜀川湖南所生大者圍

數寸高丈許又扶風蔗一丈三節見日即消遇風則折
交趾蔗特醇厚本末無厚薄其味至均圍數寸長丈餘
取汁曝之數日成飴入口即消彼人謂之石蜜多食蔗
飴血燒其滓烟入目則眼暗

齊民要術說文曰諸蔗也按書傳或為芊蔗或干蔗或
邯睹或都蔗所在不同

又家法政曰三月可種甘蔗

羣芳譜種植穀雨內於沃土橫種之節間生苗去其繁

凌



菱

菱一名菱

爾雅云菱葢據註云今水中菱禮記疏云菱菱也屈到者菱即菱角也武陵記云兩角者

菱三角四角者菱本草綱目云其葉枝散故字從菱其角稜峭故謂之菱而俗呼為菱角楊慎以菱為雞頭者

誤也

一名水栗

見風俗通

一名沙角

見本草

一名薢茳

說文云楚謂之菱秦

謂之薢茳

生水澤處處有之落泥中最易生種陂塘者為家

菱葉實俱大野生者小皆三月生蔓延浮水上葉扁而

有尖光面如鏡葉下之莖有股如蝦股一莖一葉兩兩

相差如蝶翅狀五六月開花黃白色實更肥美有無角

者其色嫩青老黑又有皮嫩而紫色者謂之浮菱食之尤美李時珍曰其實或三角四角兩角無角家菱角軟而脆亦有兩角彎卷如弓形者其色有青有紅有紫嫩時剝食皮脆肉美老則殼黑而硬墜入水中謂之烏菱冬月取之風乾為果生熟皆佳野菱其角堅直刺人其色嫩青老黑嫩時剝食甘美老則蒸煮食之野人曝乾剝米為飴為粥為糕為果皆可代糧其莖亦可暴收和米作飴以救荒歟蓋澤農有利之物也

羣芳譜種植秋間取熟黑者撒池中來春自生

芡



芡

芡一名鷄頭

古今注云芡鷄頭也一名芡方言云北燕謂之葎青徐淮泗之間謂之芡南楚江湘

之間謂之鷄頭或謂之烏頭埤雅云其蓬似鷄首故曰鷄頭

一名雁喙一名雁頭一

名鴻頭

爾雅翼云葉有芒刺兼有

一名鷄墜

見莊

一名

卵菱

見管子

一名蕩子

本草經註云芡實即今蕩子也圖經云其莖嫩者名蕩亦名葎菜

一名水硫黃

孫公談圃云芡甘滑可食名為水硫黃詳見東坡雜記

生水澤中處

處有之三月生葉貼水大於荷葉皺文如縠戲劬如沸

面青背紫俗名鷄頭盤莖葉皆有刺莖長丈餘有孔有


絲嫩者剥皮可作蔬茹五六月開紫花結苞外有刺如
蝟花在苞頂如鷄喙内有斑駁軟肉裹子纍纍如珠璣
殼内白米狀如魚目薏苡大味甘平瀉無毒補中強志
聰耳明目開胃助氣止渴益腎除濕痺腰脊膝痛久服
身輕不饑耐老莖止煩渴除虛熱生熟皆宜根狀如三
稜煮熟如芋可食治心痛氣結病

羣芳譜種植秋間熟時取實之老者以蒲包包之浸水
中三月間撒淺水内待葉浮水面移栽淺水每科離二

尺許先以麻餅或豆餅拌勻河泥種時以蘆記其根十
餘日後每科用河泥三四碗壅之



勃
濟



勃薺

勃薺一名芍一名鳧茈

爾雅云芍鳧茈爾雅翼云名為鳧茈當是鳧好食之

一名

鳧茈

本草綱目云鳧茈音訛也

一名黑三稜一名地栗

皆形似也日用本草云小

者為勃薺大者為地栗

舊名烏芋

以形似芋而色烏也

今皆名勃薺

又鳧茈音訛也

生淺水中其苗三四月出土一莖直上無枝葉狀如龍

鬚色正青肥田生者麤似細葱高二三尺其本白弱秋


後結實大者如山查栗子薺有聚毛纍纍下生入泥底

野生者黑而小食之多滓種出者皮薄色淡紫肉白而

大軟脆可食味甘微寒滑無毒治消渴除胸實熱氣作
粉食厚腸胃療膈氣消宿食黃疸治血痢下血血崩辟
蠱毒消誤吞銅鐵

羣芳譜種宜穀雨日

慈姑



慈姑

慈姑

或作
茨菰

歲根生十二子如慈姑之乳衆子故名爾雅

翼云歲有閏則生十三子一名藉姑一名水萍一名河
鳧茈一名白地栗苗名翦刀草一名翦搭草一名燕尾
草一名槎了草莖餘似嫩蒲又似三稜苗甚軟其色深
青綠每叢十餘莖內抽出一兩莖上分枝開小白花四
瓣葉深黃色根大者如杏小者如栗色白而瑩滑五六
七月采葉正二月采根煮熟味甘甜時人以作果

羣芳譜種植慈姑豫於臘月間折取嫩芽種於水田來
年四月盡如種秧法種之離尺許田最宜肥每顆花挺
一枝上開數十朶色香俱無惟根至秋冬取食甚佳



百合



百合

百合一名翻一名强瞿一名蒜腦諸一名夜合根如葫
蒜數十片相累或云是蚯蚓相纏結變作之其葉短而
濶微似竹葉白花四垂者百合也葉長而狹尖如柳葉
紅花不四垂者山丹也莖葉似山丹而高紅花帶黃而
四垂上有黑斑點其子先結在枝葉間者卷丹也又有
一種色微綠者開花最遲俗名真百合


四時類要二月種百合此物尤宜雞糞每坑深五寸如

種蒜法又云取根曝乾搗為麩細篩甚益人

農政全書宜肥地加雞糞熟鋤春取根大者劈雜於畦
中如種蒜法五寸一科二月半鋤之滿三月則不鋤不
年大如盞頻澆則花開爛熳清香滿庭秋分亦可



欽定授時通考卷六十六



總校官庶吉士臣侍朝

校對官檢討臣李學錦

校對官檢討臣蕭九成

謄錄舉人臣王會燕

謄錄舉人臣李駟

繪圖謄錄監生臣董椿

欽定四庫全書薈要

子部

欽定授時通考卷六十

七八



詳校官主事_臣陳本

欽定四庫全書薈要卷一萬七百三十

子部

欽定授時通考卷六十七

農餘



木一

松

柏

檜

楸

杉

椿

梧桐

楮

槐

榆

柳

檉柳

檉柳

箕柳

楊

松



松

松竦幹虬枝磔砢多節歲久皮皴望若龍鱗李時珍曰
百木之長猶公故字從公四時常青不改柯葉三針者
為括子松七針者為果松千歲之松下有茯苓上有兔
絲又有赤松白松鹿尾松其產深山峭壁偃蹇離奇者
其根為巖石所礙下有磐石則上為偃蓋非其性也

事類全書栽松春社前帶土栽培百株百活舍此時決
無生理也斫松木須五更初便削去皮後無白蟻山人

斫老松根取松脂燃之以代油燭亦貧家之利

農桑通訣插松用驚蟄前後五日斬新枝斲阮入枝下

泥杵緊相視天陰即插遇雨十分生無雨即省分數種

松柏法八九月中擇成熟松子

柏子同

去臺收頓至來春

春分時甜水浸子十日治畦下水土糞漫散子於畦內

如種菜法或單排點種上覆土厚二指許畦上搭短棚

蔽日旱則頻澆常須濕潤至秋後去棚長高四五寸十

月中夾葛籬以禦北風畦內亂撒麥糠覆樹令稍上

厚二三寸止

南方宜微蓋

至穀雨前後手爬去麥糠澆之次

冬封蓋亦如此二年之後三月中帶土移栽先極區用

糞土相合內區中水調成稀泥植栽於內擁土令區滿

下水塌實

無用杵築脚踏

次日有裂縫處以脚躡合常澆令濕

至十月祛倒以土覆藏毋使露樹至春去土次年不須

覆栽大樹者於三月中移廣留根土

謂如一丈樹留土方三尺地遠移者

二尺五寸一丈五尺樹留土三尺或三尺五寸

用草繩纏樹根上樹大者從下

剝去枝三二層樹記南北運至區處栽如前法

種樹書栽松須去尖大根惟留四邊鬚根則無不盛春
分後勿種松秋分後方宜種法大槩與竹同只要根實
不令動搖自然活

齊民要術油松法將青松斫倒去枝於根上鑿取大孔
入生桐油數斤待其滲入則堅久不蛀他木同

本草松子出遼東雲南者尤大食之香美

又松脂一名松膏一名松香一名松膠一名松肪一名
瀝青皆為物用

欽定四庫全書

欽定授時通考
卷六十七

柏



柏

柏一名栴

爾雅云
柏栲

陰木也凡木皆向陽柏獨向陰指西

故字從白西方正色也樹聳直皮薄肌膩三月開細瑣
花結實成毬狀如小鈴多瓣霜後瓣裂中有子大如麥
芬香可愛處處有之古以生泰山者為良今陝州宜州
密州皆佳而乾陵尤異木之文理多為雲氣人物鳥獸
川柏亦細膩以為几案光滑悅目

農政全書種柏九月中柏子熟時採俟來年二三月間

用水淘取沉者着濕地二三日淘一次候芽出將斲熟地調成畦水飲足以子勻撒其中覆細土半寸再以水壓下二三日澆一次勿太濕勿太乾既生四圍豎矮籬護之恐為蝦蟇所食常澆水糞俟長高數尺分栽

又秋時剪小枝二三尺亦可插活

欽定四庫全書

欽定授時通考
卷六十七

檜



檜

檜柏葉松身葉尖硬亦謂之栝今人名圓柏以別側柏
爾雅翼又有一種別名檜柏不甚長其枝葉乍檜乍柏
一枝之間屢變人家庭宇植以為玩

老學菴筆記海檜有二種海檜夭矯堅瘦皆天成又有
刻削盤屈而成者名土檜海檜絕難致凡人家所有大
抵土檜也

農桑通訣檜種如松法插枝者二三月檜芽蘖動時先

熟剷黃土地成畦下水飲畦一遍滲定再下水候成泥漿斫下細如小指檜枝長一尺五寸許下削成馬耳狀先以杖刺泥成孔插檜枝於孔中深五六寸以上栽宜稠密常澆令潤澤上短矮棚蔽日至冬換作煖蔭次年二月月去後候樹高移栽如松柏法

便民圖松杉柏檜俱三月下種次年三月分栽無不活洞庭陸氏曰移松杉柏檜冬至及年盡雖不帶土根亦活正月九分活二月七分活清明後半活

楸



楸

楸梓榎爾雅曰槐小葉曰榎大而散楸小而散榎椅梓

鼠梓又曰如木楸曰喬

郭璞注曰槐當為楸楸細葉者為榎老乃皮粗散者為楸小而

皮粗散者為榎椅梓即楸楸榎屬今人謂之苦楸江東人謂之虎梓詩義疏曰楸梓之疏理色白而生子者

為梓

說文曰檟楸也然則楸梓二木相類者也白色

有角者名為梓似楸有角者名為角楸或名子楸黃色

無子者為柳楸世人見其色黃呼為荆黃楸也楸之

與梓本同末異梓名木王植於林諸木皆內拱造屋有

此木則羣材皆不震楸木濕時脆燥則堅良材也榎檟

也亦楸屬葉大而早脫故謂之楸葉小而早秀故謂之

榎

齊民要術宜割地一方種之梓楸各別無令和雜

又種梓法秋耕地令熟秋末冬初梓角熟時摘取曝乾

打取子耕地作壟漫散即再勞之明年春生有草枝令

去勿使荒沒後年正月間劬移之方步兩步一樹

此樹須大

不得即無子可於大樹四面掘坑取栽移之一方兩步

一根兩畝一行一行百二十株五行合六百株十年後

一樹千錢柴在外車板盤合樂器所在任用勝於松柏

農政全書春月斷其根瘞於土遂能發條取以分種

又花葉飼猪並能肥大且易養

杉



杉

杉一名𣎵

爾雅云披𣎵

一名沙一名檜類松而幹端直大者

數圍高十餘丈文理條直葉麤厚微扁附枝生有刺至冬不凋結實如楓有赤白二種赤杉實而多油白杉虛而乾燥有斑文如雉尾者謂之野鷄斑入土不腐燒灰最發火藥

種樹書插杉枝用驚蟄前後五日斬新枝鋤開根入枝下泥杵緊視天陰則插插了遇雨十分無雨即省分數

農政全書插杉法江南宣歙池饒等處山廣土肥先將地耕過種芝蔴一年來歲正二月氣盛之時截嫩苗頭一尺二三寸先用橛春穴插下一半築實離四五尺成行密則長稀則大勿雜他木每年耘鋤至高三四尺則不必鋤

欽定四庫全書

欽定授時通考
卷六十七

卷六十七

椿



椿

椿集韻作櫨禹貢作杗左傳作檣今俗名香椿本草陳藏器云俗呼為猪椿易長而有壽南北皆有之木身大而實其幹端直紋理細膩肌色赤皮有縱紋易起

農桑輯要木實而葉香有鳳眼者謂之椿木疎而氣臭者謂之櫨又曰有花而莢者謂櫨無花不實謂椿廣羣芳譜椿櫨二木形幹相類無花木身大幹端直者為椿有花木身小幹多迂矮者為櫨一類二種也

農政全書椿宜於春分前後栽之

又其葉自發芽及嫩時皆香甜生熟鹽醃皆可茹

梧桐



梧桐

梧桐爾雅曰榮桐木又曰櫟梧

郭璞注云即梧桐也今人以其皮青號曰青桐

又名櫟皮其木無節直生理細而性緊四月開花五六月結

子莢長三寸許五片合成老則開裂如箕名曰橐鄂子

綴其上大如黃豆雲南者更大可生噉亦可炒食遁甲

書云梧桐可知月正閏歲生十二葉一邊六葉從下數

一葉為一月有閏則十三葉視葉小處則知閏何月立

秋之日如某時立秋至期一葉先墜又有白桐一名華

桐一名泡桐華而不實蔡邕月令曰桐始華桐木之後
華者也岡桐一名油桐一名荏桐一名罌子桐一名虎
子桐實大而圓取子作桐油入漆及油器物船為時
所須人多偽為之惟以篋圈揮起如鼓面者為真海桐
生南海及雷州白而堅韌可作繩入水不爛

齊民要術青桐九月收子二月中作一步圓畦種之
方大則難裹所以須圓小治畦下水一如葵法五寸下一子少與熟

糞和土覆之生後數澆令潤澤

此木宜濕故也

當歲即高一丈

俱可種上覆土末寸半許時時用水澆灌使土長濕待長尺餘移栽冬間不用苫蓋

又江東江南之地惟桐樹黃粟之利易得乃將旁近山塲盡行鋤轉種芝蔴收畢仍以火焚之使地熟而沃首種三年桐其種桐之法要在二人並耦可順而不可逆一人持桐油一瓶持種一籬一人持小鋤一把將地剷起即以油少許滴土中隨以種置之次年苗出仍要耘耔一遍此桐三年乃生首一年猶未盛第二年則盛矣

生五六年亦衰即以栗櫟剥之一二年其栗便生且最大但其味畧滯耳首種三年桐為利近速圖久遠之利仍要樹千年桐法亦如前種黃栗之法候秋季落子多收擇高厚之處掘地為坑下用礬糠鋪底將種放下上用稻草蓋定以土覆之俟來年春氣盛時治地成畦約一尺二寸成行分種空地之中仍要種豆使之二物爭長又可使直而不曲待長一二尺即將山塲依前法燒鋤過約濶五尺成行移苗栽之次年耘耔


欽定四庫全書

欽定

欽定授時通考
卷六十七

丁巳仲夏

褚



楮

楮一名穀一名穀桑有二種雄者皮斑而葉無極義謂之斑穀三月開花成長穗如柳花狀不結實雌者皮白無花葉有極似葡萄葉開碎花結實如楊梅其實初夏生大如彈丸青綠色六七月成熟漸深紅八九月米實名楮桃一名穀實

陸璣詩疏構幽州謂之穀桑或曰楮桑荆揚交廣謂之穀中州人謂之楮食其嫩芽可當菜茹

酉陽雜俎穀田久廢必生構葉有瓣曰楮無曰構本草
李時珍曰楮本作柠其皮可績為紵故也

又凡穀樹雄者不結實歟歲人采花食之雌者實如楊
梅半熟時水漂去子蜜煎作果食

齊民要術宜澗谷間種之地欲極良秋上楮子熟時多
收淨淘曝令燥耕地令熟二月耬耩之和麻子漫散之
即勞秋冬仍留麻勿刈為楮作煖

若不和麻子
種卒多凍死

明年正

月初附地芟殺放火燒之一歲即没人

不燒者瘦
而長亦遲

三年

便中斫

未滿三年者皮薄不任用

斫法十二月為上四月次之

非此兩月

而斫者則多枯死也

每歲正月常放火燒

自有乾葉在地足得火然不燒則不滋茂也

二月中間斫去惡根

斫者地熟楮料亦以留潤澤也

移栽者二月時之

亦三年一斫

三年不斫者徒失錢無益也

楮地賣者省功而利少煮

剝皮賣者雖勞而大

其柴足以供然

自能造紙其利又多種三

十畝者歲斫十畝三年一徧歲收絹百疋

廣州記變夷取穀皮熟槌為揭裏蜀布以擬毡甚煖也

其木腐後生菌耳味甚佳

農桑通訣南方鄉人以穀皮作衾甚堅好鬻之實為貧家之利焉

槐



槐

槐爾雅曰櫟有青黃白黑數種白槐似栴而葉差小其葉細而色青絲者直謂之槐有守宮槐一名紫槐幹弱花紫晝合夜開又色黑者為猪屎槐材不堪用四五月開黃花未開時狀如米粒採取曝乾炒過煎水染黃甚鮮青槐花無色不堪用七八月結實作莢如連珠中有黑子以子多者為好淮南子曰槐之生也季春五日而兔目十日而鼠耳更旬而始規二旬而葉成諸槐功用

大畧相等木有極高大者材實重可作器物

齊民要術槐子熟時多收擘取數曝勿令蟲生五月夏

至前十餘日以水浸之

如浸麻子法也

六七日當芽生好雨種

麻時和麻子撒之當年之中即與麻齊麻熟刈去獨留

槐槐既細長不能自立根別樹木以繩欄之

冬天多風雨繩欄宜

以茅裏不則傷皮成痕癢也

明年斲地令熟還於下種麻

脅槐令長

三年

正月移而植之亭亭條直千百若一

所謂蓬生麻中不扶自直

若隨

宜取栽匪直長遲樹亦曲惡

宜於園中割地種之若園好未移之間妨廢耕墾也

農政全書初生嫩芽燂熟水泡去苦味可薑醋拌食曬乾
亦可代茶飲也

榆



榆

榆爾雅曰榆白粉又曰樞莖

註曰粉榆先生葉却著莢皮色白樞莖今之刺榆

廣志曰有姑榆有郎榆案今世有刺榆木甚牢勝可以為犢車材桮榆可以為車轂及器物山榆可以為蕪蔑凡種者宜種刺桮兩種利者為多其餘軟弱例非佳好之木也

四民月令二月榆莢成及青收乾以為旨蓄

旨美也蓄積也司部

收青小蒸曝之至冬以釀酒滑香宜養老詩云我有旨蓄亦以御冬也

色變白將落可作

齏醢隨早晏勿失其適

齏音牟醢音頭榆齏

齊民要術榆性扇地其陰下五穀不植

隨其高下廣狹東西北三方所

扇各與種者宜於園地北畔秋耕令熟至春榆莢落時
樹等

收取漫散犁細耕勞之榆生共草俱長明年正月初附

地芟殺以草覆上放火燒之一根上必十數條俱生止
留一根强者餘悉掐去之

一歲之中長八九尺矣不燒則後年正月二月移栽之
長遲矣

初生即移者喜曲故須叢林長至三年乃移栽初生三年不用採葉尤忌採心

採心則科茹太長更須依法燒之則依前茂矣不用剥沐剥者長而細又多癥
痕不剥則短麗而無

病諺曰不剥沐十年成藪言易麗也必欲剥者宜留二寸於塹坑中種者以陳屋草

布塹中散榆莢於草上以土覆之燒亦如法陳草速朽
肥良勝糞

無陳草者用糞糞之亦佳不糞雖生而瘦既栽移者燒亦如法也

又種榆法其餘地畔種者致雀損穀既非叢林率多曲戾不如割地一方種之其田土薄地不宜五穀者唯宜

榆及白楊地須近市

賣柴葉省功也

桮榆刺榆凡榆三種色

別種之勿令和雜

桮榆葉味苦凡榆葉味甘者春時將煮賣是須別也

先耕地

作壟然後散榆莢

壟者看好料理又易三寸一莢稀概得中

散訖勞之榆生

芟殺燒斫一如前法三年春可將莢賣之五年之後

便堪作椽不桮者即可斫賣

一根十文

桮者鋸作獨樂及蓋

一箇十年之後魁碗瓶榼器皿無所不任

一魁七文一魁二十瓶榼

器皿一百文也

十五年後中為車轂及蒲桃瓦

瓦一口值二百車轂一具值絹

三其歲歲科簡剝治之功指柴顧人十束雇一人無業

之人爭來就作賣柴之利已自無貲

歲出萬束一束三文則三十貫焚葉

在外況諸器物其利十倍

於柴十倍歲收三十萬

斫後復生不勞

更種所謂一勞永逸能種一頃歲收千疋唯須一人守

護指揮處分既無牛耕種子人功之費不慮水旱風蟲

之災比之穀田勞逸萬倍男女初生各與小樹二十株

比至嫁娶悉任車轂一樹三具一具值絹三疋成絹一
百八十疋聘財資遣麤得充事

農桑通訣榆醬能助肺殺諸蟲下氣榆葉曝乾搗羅為末鹽水調勻日中炙曝天寒於火上熬過拌菜食之味頗辛美榆皮去上皺澁乾枯者將中間嫩處剉乾礅為粉當歛歲亦可代食昔沛豐歲饑民以榆皮作屑煮食之人賴以濟焉

農政全書榆根皮作麵可和香劑嫩葉燂浸淘淨可食

榆錢可羹又可蒸糕餌榆皮濕搗如糊粘瓦石極有力
汴洛以石為碓嘴用此膠之

柳



柳

柳易生之木也性柔脆北土最多枝條長軟葉青而狹長其長條數尺或丈餘鳩鳩下垂者名垂柳木理最細膩陳藏器云江東人通名楊柳北人都不言楊楊樹枝葉短柳樹枝葉長李時珍曰楊枝硬而揚起故謂之楊柳枝弱而垂流故謂之柳蓋一物二種也柳至春晚葉長成花花中結細子如粟米大細扁而黑上帶白絮如絨名柳絮又名柳絨隨風飛舞着毛衣即生蟲入池沼

隔宿化為浮萍又憑柳可以為楯車輞雜材及椀

陶朱公書凡種柳千樹則足柴十年以後髡一樹得一載歲髡二百樹五年一週

齊民要術種柳正月二月中取弱柳枝大如臂長一尺半燒下頭二三寸埋之令沒常足水以澆之必數條俱生留一根茂者

餘皆斫去

別豎一柱以為依生每一尺以長

繩柱欄之

若不欄必為風所摧不能自立

一年中即高一丈餘其旁生

枝葉即搗去令直聳上高下任人取足便搗去正心即

四散下垂婀娜可愛

若不掐心則枝不四散或斜或曲生亦不佳也

六七月中

取春生少枝種則長倍疾

少枝葉青氣壯故長疾也

下田停水之處

不得五穀者可以種柳八九月中水盡燥濕得所時急

耕則鑿榛之至明年四月又耕熟勿令有塊即作塲壟

一畝三壟一壟之中逆順各一到塲中寬狹正似蔥壟

從五月初盡七月末每天雨時即觸雨折取春生少枝

長疾三歲成椽比於餘木雖微脆亦足堪事一畝二千

六百六十根三十畝六萬四千八百根根直八錢合收

錢五十一萬八千四百文百樹得柴一載合柴六百四十八載直錢一百文柴合收錢六萬四千八百文都合收錢五十八萬三千二百文歲種三十畝三年種九十畝歲賣三十畝終歲無窮

檉柳 附

檉柳爾雅曰檉河柳乃河旁赤莖小楊植生水旁皮正赤如絳枝葉如松一名雨師一名赤檉本草云天將雨檉先起氣應之負霜不凋乃木之聖故字從聖一名河

柳一名人柳一名三眠柳一名觀音柳一名長壽仙人
柳幹小枝弱葉細如絲一年三次作花花如蓂花穗長
二三寸色微紅

檉柳 附

檉柳一名鬼柳本草云其樹高舉其木如柳故名爾雅
注作柜即孟子所謂杞柳也多生溪澗側高大者四五
丈合二三人抱其葉似柳非柳似槐非槐鄭樵通志云
檉乃榆類其實亦如榆錢鄉人採其葉為甜茶

便民圖種杞柳二月間先將田用糞壅灌屨水耕平以柳鬚斷作三寸許每人一握隨田廣狹併力一日齊種頻以濃糞澆之有草即用小刀剗出田勿令乾八月斫起刮去柳皮曬乾為器根旁敗葉掃淨則不蛀至臘月間將重長小條復斫去長者亦可為器舊根常留

箕柳 附

種箕柳法山澗河旁及下田不得五穀之處水盡乾時熟耕數遍至春凍釋於山陂河坎之旁刈取其柳三寸

栽之漫散即勞勞訖引水停之至秋任為簸箕五條一

錢歲收萬錢

山柳赤而脆
河柳白而韌

楊



楊

楊有二種白楊青楊白楊一名高飛一名獨搖微帶白色高者十餘丈性勁直堪為屋材青楊又有二種一種梧桐青楊身聳直高大一種身矮多歧枝不堪用楊與柳自是二物柳枝長脆葉狹長楊枝短硬葉圓濶北方材木全用楊槐榆柳四種是以人多種之

齊民要術種白楊秋耕地熟至正月二月中以犁作龍一壟之中以犁逆順各一到塲中寬狹各似作蔥龍作

訖又以鍬掘底一坑作小塹斫取白楊枝大如指長三

尺者屈着壟中以土壓上令兩頭出土向上直豎二尺

一株明年正月中剝去惡枝一畝三壟一壟七百二十

株一根兩株一畝四千三百二十株三年中為蠶摘都格

反五年任為屋椽十年堪為棟梁以蠶摘為率一根五

錢一畝歲收二萬一千六百文柴又作梁婦住在外歲種三十畝

三年九十畝一年賣三十畝得錢六十四萬八千文周

而復始永世無窮比之農夫勞逸萬倍去山遠者實宜

多種干根以上所求必備

博聞錄楊柳根下先埋大蒜一枚不生蟲

種樹書種水楊須先用木槌釘穴方入楊庶不損皮易
長臘月二十四日種楊樹不生蟲

欽定授時通考卷六十七